

Symbolae ad Mycologiam Fennicam.

Auctore

P. A. Karsten.

XII.

(Societati exhibitum die 3 Februarii 1883.)

Caloporus expallescens Karst. (N. sp.)

Effusus, membranaceus, tenuis, adnatus, glaber, albus, siccitate sordide subfuscescente pallidus, ambitu similis. Pori ceracei, angulati, medii vel majusculi, admodum curti, inaequales. Sporae sphaeroideae, diam. 3—5 mmm.

Ad lignum mucidum *Betulae*, in agro Mustialensi, m. Sept. 1867.

Var. *flavidulus* Karst. (N. var.)

Tenuissimus, ambitu arachnoideus. Pori majusculi, flavi. Supra lignum carbonisatum prope Mustiala, m. Sept. 1868.

Hydnum raduloides Karst. (N. sp.)

Vage effusum, tenue, flocculoso-furfuraceum, adnatum, album, ambitu simile. Aculei conferti vel confertissimi, teretes, acuti, integri, fragiles, medii, subaequales, furfuracei seu pruinosi, saepe obliqui, flavidi (sicci).

Ad lignum *Populi tremulae* vetustum in regione aboënsi, Merimasku, semel legimus.

Hydno fallaci vel *H. arguto* proximum; multum quoque cum *Radulo fagineo* Fr. communi habet.

Hydnum fagineum Fr.

Var. *betulinum* Karst. (N. var.)

Aculei acutati.

Ad lignum *Betulae* prope Mustiala, m. Sept. 1867.

***Odontia terrestris* Karst. (N. sp.)**

Effusa, crustaceo-adnata, tenuissima, pallescens, ambitu primitus arachnoidea, dein similis. Verrucae granulaeformes, obtusae, inaequales, rotundatae vel dentiformes, glabrae, exiguae. Sporae sphaeroideae, diam. 3—4 mmm.

Supra terram argillaceam nudam, m. Aug. 1866, prope Mustiala observavimus.

***Xerocarpus laevissimus* Karst. (N. sp.)**

Longitudinaliter effusus, tenuissimus, adglutinatus, laevissimus, contiguus, aridus, glaber, subtus obsolete flocculosus, ochraceo-pallescens vel alutaceus. Sporae ignotae.

In ligno *Betulae* prope Kola Lapponiae rossicae, m. Julio 1861, legimus.

Externa facie *Corticium calceum* aemulans.

***Tremella uliginosa* Karst. (N. sp.)**

Carnoso-subgelatinosa, libera, rotundata, difformis, tuberculata vel sinuosa, sicca collabens, aurantio-lutea, 2—5 mm. lata. Sporophora sphaeroidea vel late ellipsoidea, diam. 8—10 mmm. Hyphae parcae.

Locis uliginosis, supra corpora varia putrescentia, prope Mustiala, m. Julio 1869.

Mollisia ventosa Karst.

* *M. mediella* Karst. (N. subsp.)

Apothecia sparsa, sessilia, convexa, margine solito flexuosa, cinerea, sicca obscuriora, planiuscula, margine vulgo elevato, epithecio ochraceo vel fulvo-albo, latit. 1—2 mm. Asci cylindraceo-clavati, longit. 100—110 mmm., crassit. 6 mmm., obturaculo jodo caerulescente. Sporae fusoido-bacil-

lares, plerumque curvulae, guttulatae, longit. 16—24 mmm., crassit. 2—3 mmm. Paraphyses filiformes.

Ad culmos vetustos *Phragmitis communis* prope Vasa. Media qvasi inter *Mollisiam ventosam* et *M. ramealem* Karst.

Sporotrichum membranaceum Karst. (N. sp.)

Dilute roseum, ambitu saepe fibris albis, radiantibus fimbriatum, submembranaceum, tenue, e hyphis dense intertextis, articulatis, vage iteratoque ramosis, aequalibus, procumbentibus, hyalinis (sub micr.) constitutum. Sporae (conidia?) in denticulorum apicibus acrogenae, ovoideae, longit. circiter 9 mmm., crassit. 6—7 mmm. Hyphae 3—4 mmm. crassae.

Supra corticem *Pini sylvestris*, in regione Mustialensi, m. Febr. 1882, unico loco sat copiose lectum.

Primo obtuitu pro *Lyomycete roseo* (Pers.) Karst. facile sumitur, sed ab hoc longe distat.

Septoria Sceptri Karst. (N. sp.)

Maculae nullae. Perithecia s. spermogonia, sparsa, mediocria vel minuta, e sphaeroideo lentiformia, demum solito (sicca) cupulato-depressa, epidermide tandem leniter rupta velata, astoma, atra. Spermatia simplicia, bacillari-fusoidea, falcata, sursum clavulata, hyalina, longit. 21—35 mmm., crassit. circiter 2 mmm., sterigmatibus brevissimis suffulta.

In caulibus languidis *Sceptri carolini* in Suboviguba Lapponiae rossicae, m. Julio 1861.

A *Septoria caulicola* Sacc. Michelia, N. II, 1878, p. 192 proxima recedit spermogoniis demum collapsis spermatisque minoribus. Contextus spermogonii bene evoluti cellulosus, fuliginosus.

Mustiala, m. Nov. 1882.



Karsten, P. A. 1883. "Symbolae ad mycologiam Fennicam. XII." *Meddelanden af Societas pro Fauna et Flora Fennica* 9, 110–112.

View This Item Online: <https://www.biodiversitylibrary.org/item/38384>

Permalink: <https://www.biodiversitylibrary.org/partpdf/246676>

Holding Institution

MBLWHOI Library

Sponsored by

MBLWHOI Library

Copyright & Reuse

Copyright Status: NOT_IN_COPYRIGHT

This document was created from content at the **Biodiversity Heritage Library**, the world's largest open access digital library for biodiversity literature and archives. Visit BHL at <https://www.biodiversitylibrary.org>.